

Pɔɔlu kadasi nnyɔ su bo i kerɛ fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jamarasa a, Nyeme deɛ koroyanu, yiri Nyeme asunma m ka m ko kan kere minem kabo i yo seeri ka minem bo bu ni Yesu Kristo yo kun ni, bu nya ngɔɔ.

² M sukere ahin kadasi n ma wɔɔ Timoti bo a ti ka m wa koroowa n wɔ.

Ya Si Nyeme, ni ya Mibie Yesu Kristo buka u, na bu si u aɲunfo, na bu ma u ahoreda.

Kabo Pɔɔlu maari Timoti ahoresi ka i yo juma barasu ni

³ M da Nyeme asi, yiri ye m su i ni sunsunni kpa, kabo m nam yo suuri i ni. M sere Nyeme so ɔ, kongue ni wiesu, na m nati suda i asi ma u.

⁴ M tenge su kabo a yo suunri ni nyunvuin ni, m wara ado u, m koro ka m ŋu u, adena m ahore jo.

⁵ M wara fi ma u yarada n bo a yo i nahore su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka wɔɔ mmɔɔ la i so ɔ. ⁶ Nyini deɛ ti, aceeri n bo Nyeme Awiewie Casi n fa ceeri u ni, sanɔa bo m faari m saa nanaari u ŋu, na m sereeri Nyeme maari u ni, m koro ka m tenge u su ka a kaaki ye i su fa yo juma. ⁷ Dama Awiewie Casi n bo i fa maari ya ni, wɔ fa ama ma ya ka ya yo serefom wɔ, ama, i

fa maari ya ka i buka ya fanƙa na ya koro minem na ya la tarabuƙu wɔ.

⁸ Nyini ti, má a ma nyinse ti u ka a kan Mibiε n jɔre n kere minem, wara má a ma nyinse ti u ka m wo dansaraka nu, Kristo dεε ti. Ama, woro mmɔɔ di wahara fa kɔ labari kpa n kan su, kabo m diiri i ni, na Nyeme ma u fanƙa na a koro mindi de i. ⁹ I deerɪ ya tii ji wɔ, na wɔ fere ya ka ya yo i dεε tienƙu minem, má ka ya sakpa bo ya yo i n dεε ti, ama, i dεε kunnu koroo-wa ni i ahɔrɔma n dεε ti a. Saƙa bo i nya yi má durunya ni, ye i yoori ya nyini sakpa n a, Yesu Kristo dεε ti. ¹⁰ Ama, kisa na Yesu Kristo, yiri bo i ti ya Tiidefo n aba durunya n nu ni, ya ŋu Nyeme koro ni. Labari kpa n dεε ti, ya si ka Kristo akunma yiwee fanƙa, na ya koro nya ŋɔɔ n bo i la má awieeri ni.

¹¹ Nyeme ayi m ka m yo Yesu jaramasa na m kan Nyeme labari kpa n kere minem, ¹² nyini dεε ti ye m di ahin waharam n kere n a. Ama, nyinse ti má m, dama m si sɔnɔ bo ma daafi i ŋu ni, na labari kpa n bo wɔ fa ama m ni, m si tenle su ka i koro niε i su fa kɔ ju haari jina cεen. ¹³ Bita nɔaniε n kere bo ma kan akere u na i ti nahɔre n kenken, na a yo yarada na a koro minem, kabo ya ni Yesu Kristo ayo kun n dεε ti. ¹⁴ Bita labari kpa n nyunyumi. I ti aceeri kpiri wɔ, ye Nyeme afa awura u saa nu a. Awiewie Casi n bo i wo ya do n buka u, na a bita i nyunyumi.

¹⁵ A si ka yaradayofom kere bo bu wo Esiya dεε awɔre n nu ni, fa saƙa ni Figelosi ni Hemogenesi n kere, aƙmati ayaki m. ¹⁶ M sere Nyeme ka i si Onesifɔrsi dikafom kere aƙunfo,

dama sanƙa kere yiri titi m nyunu a. Nyinse ati má i ka m wo dansaraka nu, ¹⁷ ama, i ba juuri Roma mie kpiri n nu fen ni, i nienieeri m busu wɔ ni anyumboro, haari na wɔ ba anu m. ¹⁸ M sere Nyeme ka i si Onesiforosi anunfo, jina ceen. Woro ni u tii kaaki si buka bo i fa bukaari m barasu, sanƙa bo m wo Efeso mie kpiri n nu ni.

2

¹ Nyini deɛ ti, woro m wa, ahoroɗa n bo Yesu Kristo ma a diiri i n deɛ ti, má a yoroki u nu, yo u nu kenken. ² Jore n bo a tiiri i m do, na mine beberebe woori do tiiri i ni, fa wura minem bo bu la dabuɗu n saa nu, na bere gusu koro fa kere nyingam. ³ Kabo a ti Yesu Kristo deɛ soja kpa ni, yo siriya na woro mmoo di wahara n kabo nyingam di i barasu ni. ⁴ Sono bo i yo soja juma, i cece wo má juma bo i ti má soja juma nu, se i deɛ la ka i yo i soja juma a, na i yo i kpien fie. ⁵ Bekun, sono bo i nmati nmatiiri ka i nya teremasu na i nya aceeri, má ka i mi asu atin bo bu fa kere nyini deɛ nmatiirifom n su, i koro nya má aceeri ni. ⁶ Dodoorifo bo i yo juma nahore su ni, wo yo daka ka yiri du mo nya diire fofore n be di a. ⁷ Sunsun fa ko deke bo m suse u n su, na Mibie n buka u na a ti i kere bu.

⁸ Tenge su fa ko Yesu Kristo jore n su, ka i fiteeri Feme Davidi deɛ busu n nu wɔ, ye i wuuri a, na wɔ tenge i yiwee n nu, m labari kpa n lee, so ye m kan i a. ⁹ Labari kpa n deɛ ti, ye m di wahara n a, haari ba wura m joroko ase ka m ti satieyofɔ o, ama, Nyeme deɛ noanie n yiri, i wo má joroko nu. ¹⁰ Nyini ti, minem bo Nyeme

ayi bu ka bu ti i dɛɛ minɛm n dɛɛ ti, ma mindi ade deke n kɛrɛ, adena bɛrɛ mmɔɔ nyá tiide n bo i fite Yesu Kristo dɔ ni, na i má bu jirima n bo i la má awieeri Nyɛmɛ dɔ ni. ¹¹ Ahin jɔjɔwa n ti nahɔrɛ wɔ, bo i ɲa,

“Nzen ya ni yiri saɲga wuuri,
ya ni yiri bá saɲga nya ɲɔɔ.

¹² Nzen ya mindi suuri i,
ya ni yiri bá saɲga di i fɛmɛya n a.

Nzen ya keteeri i,
yiri gusu bá kete ya.

¹³ Nzen yɛrɛ la má dabuɲu,
yiri la dabuɲu wɔ saɲga kɛrɛ,
dama i koro kete má i ɲu.”

Kristo jama n mɔfɔ bo Nyɛmɛ da i ɲu ni

¹⁴ Tenɲe u minɛm su fa kɔ nyini jɔrɛm n su, na a se bu ka Nyɛmɛ wo u daani, ka má bu se akuruwa fa kɔ nɔaniɛ kereewam bo i la má kperɛ, i saaki minɛm bo bu so bu sui ti nyini nɔaniɛ n wɔ. ¹⁵ Boro u nyi na a fa u ɲu ma Nyɛmɛ juma na i sun i nu. Na a yo u juma nyunyumi na má nyinɛ ti u, na a kere kereewa bo i ti nahɔrɛ na i kɔ atin su nyunyumi. ¹⁶ Má a so u sui ti jɔrɛ ɲɔbɛɛnɲɔbɛɛnm bo bu kɔ má nyɛmɛsu atin su ni, dama i ma minɛm wo dede ni Nyɛmɛ wɔ, na bu yo satie kɔ sin su. ¹⁷ Nyini kereewam sɔ ti ka kambue bo i wie má na i tɛrɛki saɲga kɛrɛ wɔ. Mine nnyɔm bo bu kere nyini kereewam n la Himɛnasi, ni Filetos, ¹⁸ bɛrɛ kere ka saɲga bo minɛm wu na bu tenɲe bu yiwee nu asin n a. Ahin kereewam n ti kɔrɛ wɔ, nyini kereewa n sɔ ma mine nbem ɲunie ayɔrɔki bu fa kɔ bu

yarada bo bu la i n su wɔ. ¹⁹ Ama, deke bo Nyeme ayi akere i jama ni, i ti ka fa bumboori seewa a, pui koro kankan má i. Nyini fa bumboori seewa ni, ye ba kere ahin noaniem n ago su n a, ka, “Micera n si minem bo bu ti i dee minem ni,” na “Bo bu na bu ti Micera n dee n kere, i ti ye ni ka bu yaki satieyo.”

²⁰ Ya si ka awuru kpiri nu la taale ni ayaba barasu barasu kere, bu faari jete ni sika yoori nbem a, na nbem gusu ti baka ni yakati dee. Bu fa nbem fa yo juma ceenkpiri ceen, na bu fa nbem gusu yo juma ceen n kere ceen. ²¹ Nzen sono kere bo i yi i nu fiteeri nyini kore kereewam n nu, Nyeme fá i mi yo ka ceenkpiri ayaba a, dama wɔ fa i nu ama Mibie ni, na i yo juma kpa bo i kun kperere ma i, má pui ti, wɔ sese i nu su ka i yo juma kpa ma i Mibie ni.

²² Tara u nu fa ko ngbefenem konviki tie sam su. Boro u nyi, na a yo sa bo i ko atin su, na a yo Nyeme yarada, na a koro minem, na a la tanalaifie, nyini má a buka minem bo bu su Nyeme ni ahore casi n su a. ²³ Ama, má a fa u noo bo sinnzinya jorem n nu, ni bisaawa ngbeenngbeenm. A si ka nyini n so kpura mine tii wɔ. ²⁴ Wɔ yo daka ka má Mibie n akoo n suse akuruwa. I ti ye ni ka i yo aye ma sono kere, na i koro fa sawore kere minem Nyeme jore n nyunyumi. ²⁵ Haari minem bo bu se i akuruwa ni mmoo, i ti ye ni ka i fa sawore ni bere, na i kere bu atin bo bu fa i, beni, a nu ka Nyeme má bu kaaki bu wo na bu si nahore atin ni. ²⁶ Nyini ma bu kaaki fa sunsunni kpa na bu nmati fite

toroku n nu a, bo Sitana n aso atara bu na i ma bu yo i koroowa ni.

3

Fa ko durunya n awieeri su δεε jore

¹ M koro ka a si ka, fa ko durunya n awieeri, i yo kekereke. ² Mine yo anyii sam, na bu koro ηwaa agaya, na bu fo, na bu sunsun ka bere ηgumi wo bere a, na bu kpie mine nzuko, na bu de ma bu wufom nɔaniε, na bu si ma aye, na bu keke Nyeme woowa casi n jore, ³ na bu koro ma minem, na bu si ma ηjunfo, na bu saaki minem duma, na bu la ma tarabuηu, na bu yo wi, na bu kpo deke kere bo i ti kpa. ⁴ Na bu la ma dabuηu, na bu yo sa bo bu sunsun ma bu, na bu la karambani agaya, na bu koro bu tii di tara nyemesu, ⁵ na bu yo bu ηu ka bu su Nyeme atin n su wo, ama, na bu keke Nyeme yiko ni. Ma a dodo nyini minem so. ⁶ Bu nbem nati wura awuru awurum nu wo, na bu bo nbaram bo bu la ma tarabuηu n anɔfie na bu su bu su. Nyini nbaram so satieyo akunma bu, na bu yo bu kunnu koroowam. ⁷ Saηga kere bu ti kereewam wo, ama, bu koro si ma nahore atin n fieo. ⁸ Kabo Janesi ni Jambaresi yo keteeri jore kere bo Moyisi yo jɔjɔri ni, so ye ahin kore kerefom n gusu akete Nyeme nɔaniε n a. Bu sunsunni yo ma juma, na ba kete yarada atin n su su ni. ⁹ Ama, bu juma koro ko ma i nyunu, dama sono kere ba si ka bu ti sinnzinm wo, bu si ma pui. Kabo mine yo siiri ka Janesi, ni Jambaresi yo ti sinnzinm ni.

Pɔɔlu awieeri su dɛɛ nɔaniɛ bo i fa maari Timoti ni

¹⁰ Ama, wɔrɔ yiri, a ŋu m kereewa, ni m woowa, ni m sunsunni bo m taraari i ni, ni m yarada ni, ni m sawɔrɛ ni, ni m koro, ni m mindi ni, ¹¹ ni m wuwuruwa bo bu kereeri m ni, ni wahara bo m diiri i n su. A si sam bo bu tuuri m, miɛ kpirim n bo bu fere bu ka Antiyoki, ni Ikoniyom, ni Lisitira ni, má wuwuruwa lɛɛ ye minɛm kereeri m a. Ama, na Mibiɛ n ayi m afite nyinim kereɛ nu. ¹² Sɔnɔ kereɛ bo i koro ka i su Nyɛmɛ atin su na i ni Yesu Kristo yo kun, i mi ŋú wuwuruwa, ¹³ na minɛ tiɛm ni kerefo kɔrefɔm yo satie kɔ sin su, bu dadaka minɛ, na minɛ dadaka bɛrɛ gusu. ¹⁴ Ama, wɔrɔ yiri, nahɔrɛ atin n bo bu fa kereeri u, na a yoori i yarada nahɔrɛ su ni, su i su sɔ, dama a si minɛm bo bu kereeri u nyini atin ni. ¹⁵ A si ka fite u kaan nu kereɛ, ye a sɔnsɔnri Nyɛmɛ Jɔrɛ Kadasi n kereɛ n ye a siiri i a. Nyini koro ma u alecira a, na a yo Yesu Kristo yarada na a nya tiide. ¹⁶ Nyɛmɛ Jɔrɛ Kadasi n bo ba kereɛ i n kereɛ fite yiri dɔ a, na i la kperɛ bo a koro fa kere minɛm nahɔrɛ atin ni, na a fa kan sɔnɔ bo i yo satie ndiɛ, na a fa kere sɔnɔ atin fa kɔ deke bo i kɔ má atin su, na a fa kere sɔnɔ na i yo sa bo i ti kpa. ¹⁷ Nyini n kereɛ koro ma sɔnɔ kereɛ bo i su Nyɛmɛ kpama bi a, na i koro yo juma kpa barasu kereɛ.

4

¹ M suma u nɔaniɛ lɛɛ, Nyɛmɛ ni Yesu Kristo n nyunu, yiri bá di ŋgɔɔfɔm ni yiweefɔm n jɔrɛ a, na i bá di fɛmɛ na i niɛ i minɛm su. ² Boro u nyi

kan Nyeme noanie ni, sukan i sanɔa kere. Tenɔe yaradayofom su fa ko kereewa bo i ko atin su. Jaraki bu na bu yaki satieyo. Jojo bu do na bu yo sakpa buka su. Na a yo sawore ni nyini n kere na a kere bu nyunyumi. ³ Dama fa ko fa ba, minem koro ma ka bu so bu sui, na bu ti Kristo kereewa n bo i ko atin su ni. Ama, bu su bu dee koroowam su wo, na bu tien kerefom dogu noo bo bu kere bu dekem bo bu koro ka bu ti i ni. ⁴ Bu kaaki bu sin bo nahore atin ni, na bu so bu sui ti kore jorem. ⁵ Ama, woro yiri, tara u nu sanɔa kere, na a mindi ni wahara di, na a boro u nyi kan Yesu labari kpa n jore, na a yo u juma n kere kabo Nyeme koro ka a yo i ni.

⁶ Mini yiri, sanɔa n aju bo bu yi m ngoo ni, Yesu Kristo dee ti, sanɔa n aju bo m fite durunya n nu fen. ⁷ Ma boro m nyi atu ngonni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri nminda m, dama wo de m ka m yo sa bo i ko atin su i do o. Ya Mibie Yesu Kristo, yiri di minem jore ye i ko atin su a, yiri fa nyini teremasu aceeri n ce m jina een a, ma mini ngumi, ama, sono kere bo i koro Yesu na i tana nminda ka i ba n a.

Poolu ni i tii jore lee

⁹ Yo anie na a bra m do kisa kisa. ¹⁰ Dama Keresensi ako Galatiya awore n nu, ye Titosi ako Dalamatiya awore n nu. Demasi anmati ayaki m, wo ko Tesalonika mie kpiri n nu, kisa i koro ka i wo kabo durunya n nufom wo n wo. ¹¹ Luka ngumi wo m do a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso mie kpiri n nu. ¹³ A na a ba, bita

m ayere tanlee n ba ma m, bo m yakiiri i Torasi mie kpiri n nu, Kapusi dika ni. Fa m kadasim n gusu bita m nu, maala bo ba fa nengendore numa ayo bu ni.

¹⁴ Alekizanda bo i ti tunmi n ayo m satie agaya, Mibie ni to i kaari fa ko sa bo wo yo i n su a. ¹⁵ Si u nu sa ni yiri, dama wo jina su kekereke akete noanie n bo ya kan i ni. ¹⁶ Ciciri su bo m sukan na m de m tii jore diibiri ni, be ajina ma m sin, bu kere nmati yakiiri m wo. M sere Nyeme ka i fa bu ngasi ce bu. ¹⁷ Ama, na Mibie n ajina m sin a, na wo ma m fanga, na ma koro akan labari kpa n akere minem, na bo bu ti ma Yudafo m n kere akoro ati. Na wo de m afite minem bo bu koro ka bu kun m n saa nu. ¹⁸ Yiri Mibie ni yi m fite jore tie kere nu a, na i fa m ko wura i femeya n nu angoro ni laifie a. Jirima bambaka ti i dee sanja kere. Ami.

Awieeri su dee anse yoowa ni

¹⁹ Bisa Pisisila ni i hun Akuyila fa tu Onesiforosi dikafom kere dongu ma m. ²⁰ Irasitusi kaari Korinto mie kpiri n nu wo, na ma yaki Torofimosi gusu Miletosi mie kpiri n nu, dama wo la ma i nu. ²¹ Yo anie na a bra ka, na fufuku nya ju. Ya ninbaam bisa u dongu, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibie n wo ni woro. Nyeme buka am kere.

ΝΥΣΜΕ ΙΟΥΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022

fe36d0e6-2a60-5e15-8d1c-8bf275389598